

**PEMBERITAHUAN PERTANYAAN BAGI BUKAN JAWAB LISAN
DEWAN NEGARA**

PERTANYAAN : BUKAN JAWAB LISAN

DARIPADA : DATUK JUMAT BIN IDRIS [SEPANGGAR]

RUJUKAN : 9159

SOALAN :

Datuk Jumat bin Idris [Sepanggar] minta PERDANA MENTERI menyatakan kes-kes penyiasatan berkaitan permohonan daftar lewat kelahiran yang dirujuk kepada mahkamah dan penerangan tempoh 30 hari untuk setiap permohonan oleh mahkamah.

JAWAPAN:

Setiap kelahiran yang berlaku di Malaysia hendaklah didaftarkan di Jabatan Pendaftaran Negara (JPN) dan pendaftaran kelahiran ini adalah berdasarkan kepada undang-undang berikut:-

- i. **Ordinan Pendaftaran Kelahiran dan Kematian Bab 123 (No. 11 Tahun 1948) bagi negeri Sabah;**
- ii. **Ordinan Pendaftaran Kelahiran dan Kematian Bab 10 (No. 6 Tahun 1951) bagi negeri Sarawak; dan**
- iii. **Akta Pendaftaran Kelahiran dan Kematian 1957 (Akta 299) bagi Semenanjung Malaysia.**

Oleh itu, mana-mana kelahiran yang didaftarkan di JPN selepas 42 hari daripada hari kanak-kanak tersebut dilahirkan akan dikategorikan sebagai Pendaftaran Lewat Kelahiran dan kanak-kanak yang layak akan dikeluarkan dengan Sijil Daftar Lewat Kelahiran. Prosedur pendaftaran lewat kelahiran juga bukan sahaja melibatkan semakan dokumen tetapi juga perlu melalui sesi temu duga termasuk dalam kalangan saksi.

Perlu diambil maklum bahawa pendaftaran lewat kelahiran di negeri Sabah agak berbeza dengan negeri-negeri lain. Ini adalah kerana, di bawah Seksyen 22(3) Ordinan Pendaftaran Kelahiran dan Kematian Bab 123 (No. 11 Tahun 1948) bagi negeri Sabah memperuntukkan agar individu yang telah dikeluarkan dengan Sijil Pendaftaran Lewat Kelahiran perlu mendapatkan pengesahan daripada Majistret Kelas Pertama dan individu tersebut perlu hadir ke Mahkamah untuk mendaftarkan permohonan pengesahan tersebut. Seksyen 22(3) tersebut menyebut:-

“Every copy of such entry shall have printed on it conspicuously the words “LATE REGISTRATION” and no copy so marked shall be receivable in evidence, as prescribed in section 31, unless the truth of the facts therein entered shall have been found by a court of a magistrate of the first class in the proceeding instituted before it under this section and such court has certified its finding in the register..”

Semenjak tahun 2009 sehingga April 2016, terdapat 11,146 permohonan untuk mendapatkan pengesahan ke atas Sijil Pendaftaran Lewat Kelahiran di negeri Sabah yang masih belum mendapat pengesahan daripada Mahkamah Majistret Kelas Pertama. Dalam hal ini, kanak-kanak yang telah dikeluarkan Sijil Kelahiran Pendaftaran Lewat bertaraf Warganegara hanya akan dapat dikeluarkan Kad Pengenalan MyKad setelah memperolehi pengesahan tersebut.

JAWAPAN SOALAN PERSIDANGAN DEWAN RAKYAT

PERTANYAAN BERTULIS : DATUK DR. MAKIN @ MARCUS MOJIGOH
DARIPADA [PUTATAN]

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Datuk Dr. Makin @ Marcus Mojigoh [Putatan] minta **MENTERI PENDIDIKAN** menyatakan:-

- (a) apakah pendirian Kementerian ke atas kerisauan Action Group Education - Page mengenai dengan keruntuhan moral kanak-kanak Malaysia yang mungkin berlaku hasil pengaruh novel Sewel dan Mrs Sweet yang tidak dikatakan berkisar kepada cinta, seks, hantu dan gangsterisme; dan
- (b) tindakan yang diambil bagi membendung gejala ini dan meregularisasi novel-novel berbentuk sebegini.

JAWAPAN

Untuk Makluman Ahli Yang Berhormat,

- a) Kementerian Pendidikan Malaysia (KPM) mengambil berat akan isu-isu yang melibatkan keruntuhan moral murid di sekolah, termasuklah pengaruh novel kini yang semakin berleluasa. Namun begitu, penerbitan novel remaja untuk pasaran terbuka adalah bukan dibawah bidang kuasa KPM. KPM mengambil pendirian dengan menyekat pembekalan buku sebegini di Pusat Sumber sekolah. Selain itu juga, guru-guru juga sering diingatkan agar membimbing dan menasihati murid untuk membuat keputusan yang bijak dalam memilih bahan pembacaan mereka.
- b) KPM tidak berupaya untuk meregulasikan novel-novel yang dikeluarkan di pasaran terbuka. Walaubagaimanapun, tindakan untuk membendung keruntuhan moral kanak-kanak Malaysia telah pun diambil menerusi kurikulum

Pendidikan Islam dan Pendidikan Moral. Hasrat ini diterjemahkan dalam Kurikulum yang bermatlamat membentuk insan berakhlak mulia dan berintegriti yang berpegang kepada nilai universal berasaskan prinsip moral dan menyumbang ke arah perpaduan dan kesejahteraan negara serta masyarakat global.